

WAKITÀ UWANA POL ATSETSÈR À FILEMON Lettre de Paul à Phil'emon

Ayyi

¹ Gi Pol, la uwana gətseser à ka wakità uwanay, gi la daɲay kà Yesu Kristu. Gi Pol, anu la deda gami Timotawus, la uwana mətsetser à ka wakità uwanay, à kak slawda gami Filemon, uwana mədàh sləray gami anina. ² Mətsetser à maham à ahəŋ mənə gay Zəzagəla, uwana tasaha à waŋ à mtəga aɲak kà madəv kuɖa à Zəzagəla, ŋgaha à deda gami duguga Appia la Arsip, uwana məpay anina kà aɲa Sufəl gami Yesu. ³ Zəzagəla Baba gami, la Sufəl gami Yesu Kristu tapis à akul gay à vok, ŋgaha tavà à akul lapiya aya.

Masal la madiŋal gəl à vok aɲa Filemon

⁴ Baɲa gədəv kuɖa à Zəzagəla kà aɲak, ‘Kikay’ gəgodfahàh à Zəzagəla koksikoksi, ⁵ kà uwana gətsənaŋ kà kawoyàh azlaməna gay Zəzagəla ndzer, ŋgaha bay kà, kadiŋ gəl à Sufəl Yesu Kristu à vok. ⁶ Gədəv kuɖa à Zəzagəla babay kà, kà maham gay à vok aɲak la azladza anik uwana tadiŋ gəl à Yesu Kristu à vok mad à huma à gay, ŋgaha kà kak aɲa masəl azlatatak delga gesina, uwana məbəzal kà masləkawla Kristu. ⁷ Deda gulo, tsəhay mawoyəŋ uwana kawoya azlaməna gay Zəzagəla anik arabà gi, ŋgaha adzərəɖgəla

bay, kà uwana kà kak à uwana løv anja azlaməna gay Zəzagəla anik atəslla ala.

Pol awula Onesəm à slaka Filemon

⁸ Bokuba uwana kawoya azlaməna madiŋal gəl à vok anik kà, 'Kamkam', gədəv à ka kuɖa kà maɖàh uwana gəpəh à kà. Tsa gi masla matapla la slaka Kristu kà, gi la maslay kà mapəh à ka, 'Dahàŋ kà azlatatak delga!' ⁹ Ama gəpəhay bokuba uwanay aw! 'Kamkam', gənavà ka, kà maɖehəŋ uwanay, kà uwana kawoya azlaməna gay Zəzagəla. Gi Pol, uwana gi makoz zil, la uwana gəpəh uwaga, ŋgaha lagwa bay kà, gi la daŋay kà Yesu Kristu. ¹⁰ 'Kamkam', gəgod à ka lakəl anja Onesəm. Agay masla madiŋ gəl à Yesu Kristu à vok, masla kà adagay bokuba bəzi huɖ gulo. Gi, gədagay baba anja la daŋay. ¹¹ Uwarà kà, akəs ka vok aw, ama lagonay kà, akəs gi vok, ŋgaha akəs ka vok bay

¹² Gəwulakala à awtày, ama madzugway gulo kà lakəl anja. ¹³ La kaslà uwana gi la daŋay kà gay marabəŋ kà, asa à gi kà madz à ahəŋ anu səla la abanay, kà masla maɖəɖ à slaka anak à abà, kà mazlak gi. ¹⁴ Ama asa à gi maɖehəŋ kiya uwanay aw. Asa à gi, kà uwana asa à ka dadàŋ suwaŋ, ŋgaha la lig la ahəŋ asa à gi. Asa à gi maf à ka gasa à gəl, kà maɖahgəŋ delga aw. Uwana gəwoya kaykay kà, kazlaka gi la løv tekula.

¹⁵ Zlahaw kà, Zəzagəla avà tetəvi kà Onesəm mad madz à ahəŋ la slaka gə kà anja kaslà ŋuv, ŋgaha kà masla anja mawul à slaka anak, ŋgaha kà akul anja madz à ahəŋ la slaka gə, akul səla anja koksikoksi. ¹⁶ Lagonay masla kà mayà pəra

aya aw, dɔɔfùwà à gay mayà, kà uwana masla kà bəzi gay ləv gami. Gi kà, gəwoya Onesəm kaykay, ɲgaha ɲoɔfegi kà mawoyəɲ aɲak kà aɔuwa aɲulo, kà uwana mayà aɲak, ɲgaha aya kà, kà uwana deda aɲak la Kristu la abà.

¹⁷ Baɲa kanəɾəz gi bokuba manalay aɲa maɲɲal gəl à vok aɲak kà, kəs à mtəga aɲak, bokuba uwana naka kakəs gi suwaɲ. ¹⁸ Baɲa awis à ka tatak ala, baɲa kanəfay la goder, pəh à gi, kà gi aɲa mapəlla à ka. ¹⁹ Gi Pol, la uwana gətsetser uwanay la ahəl gulo, kà gədəpəl à ka. Ama naka kaslala vok kà manav gi aɲa mapəl à ka nəma aw, kà uwana kikay kà mapəh à ka sayda gulo à uwana kabəzà sifa aɔv ə gay aw, uwaga kakoray lagwa. ²⁰ Kità kà, deda kà, gədəv à ka kuɔa la sləm aɲa Sufəl Zəzagəla: ‘Dahəgəɲ tatak dzəba aɲha səla aw gə, uwana atasl à gi ləv ala, kà uwana anu səla nna mədahaɲaw gay à vok la Yesu Kristu la abà.’

²¹ La matsetser wakità uwanay, gəsəl la dziriga kà, kadəɔah uwana gənavà ka maɔfəhəɲ. ²² Baɲa kadəkəs Onesəm à mtəga aɲak ɔfahəgəɲ slaka à ahəɲ babay, kà uwana gəsəl kà Zəzagəla aɔətsən tatak uwana kanavawwal, ɲgaha aɔàvə à gi tetəvi kà mad à awtəy à mtəga aɲak.

Ayyi makəɔf gəl à ahəɲ

²³ Epafəras uwana aga la ɔaɲay anu səla kà Yesu Kristu kà: ‘Ayyi’, aɔoɔf à kak. ²⁴ Mark, Arəs-tarkus, Demas, Luka ɲgaha gi uwana məɔfəh sləray aɲa Zəzagəla la slaka gə, məɔfaha à ka: ‘Ayyi’.

²⁵ Vok mahamay aña Sufəl Yesu Kristu agay la kak.

**Wakità Zəzagəla Wakitə Anja Makəs Vok
Slawda Mawga (Cameroun)
Matal: Wakitə Zəzagəla Wakitə Anja Makəs Vok
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 13 Jul 2024 from source files
dated 29 Jan 2022

03efbf2f-98ca-5534-8610-0be3a8c4b974